

四庫全書

史部

欽定四庫全書

史部  
欽定盛京通志卷六十八

少詹事<sup>臣</sup>曹城覆勘

總校官編修<sup>臣</sup>朱鈴

欽定四庫全書

欽定盛京通志卷六十七

國朝人物三

宗室貝勒子公



欽定四庫全書

欽定盛京通志卷六十七

國朝人物 三

宗室貝勒貝子公

誠毅貝勒穆爾哈齊

顯祖宣皇帝第二子也性驍勇每遇戰攻輒冒矢石先登  
陷陣

賜號誠毅歲乙酉夏四月隨

太祖率步騎五百人征哲陳部值大水遣衆還留八十人  
前畧地有嘉哈人潛告哲陳部主於是託摩河章  
嘉巴勒達薩爾許界藩五城俱集衆以待我兵既  
深入見敵衆之驟合也頗有戒心惟穆爾哈齊及  
近侍延布祿烏凌阿隨

太祖直前奮擊射死二十餘人敗其衆散奔界藩爭渡渾  
河而遁時熱甚

太祖少憩起追之穆爾哈齊隨

太祖至吉林岡見敗兵五十餘人望山奔竄

太祖恐為敵所見去廬纓隱身待之射其前至一人貫脊而殪穆爾哈齊復射殪一人餘悉墜崖死

太祖曰今日之後以四人而敗八百衆

天助我也天命五年九月以疾卒

太祖親往奠之順治十年五月追封多羅貝勒諡勇壯子務達海以軍功封貝子

篤義貝勒巴雅喇

顯祖宣皇帝第五子也戊戌年正月

太祖命與臺吉褚英征安楚拉庫路有功

賜號篤義丁未年四月復奉

命征東海窩集部取赫濟赫等三路俘二千人歸天命九

年二月卒順治十年五月追封多羅貝勒諡剛果

廣畧貝勒褚英

太祖高皇帝第一子也

太祖嘗命征安楚拉庫路取屯寨二十餘



賜號洪巴圖魯授貝勒丁未年正月同貝勒舒爾哈齊代  
善率兵往徙東海瓦爾哈部盡收屯寨五百戶令  
侍衛扈爾漢衛之先行烏拉布占泰以衆邀諸路  
翼日褚英與代善至策馬哲衆曰

上每有征伐無不以少敵衆今雖未親歷行間我等奉

命來等耳爾衆士毋畏昔擒布占泰宥之歸俾主其地為  
時不久背恩如故今豈遂不能縛之邪衆士咸奮  
遂與代善各率兵五百夾擊之敵大敗死者相枕

藉於道

太祖嘉其勇復

賜號廣畧戊申三月征烏拉克其城歲乙卯閏八月卒安  
平貝勒杜度褚英第一子也天命六年二月從攻  
明奉集堡有功封貝勒天聰元年正月從征朝鮮  
克義州等城師逼平壤其王李倧乞和大貝勒阿  
敏欲弗許杜度力持不可卒定盟還三年十一月  
從征至燕京畧通州克張家灣還軍薊州遇明援

兵杜度陷陣殲之傷足尋聞石門驛馬蘭峪等十  
一城俱叛馳至遵化叛者復歸明兵犯遵化擊却  
之獲駝馬以千計七年五月明叛帥孔有德耿仲  
明來降杜度逆之於鎮江岸追兵不敢近遂護歸  
八年五月駐防海州崇德元年四月封安平貝勒  
十二月從征朝鮮護輜重後行二年正月將抵臨  
津江前二日聞冰解不可渡一夕天大雨雪寒甚  
冰復凝遂徑渡以狀聞

太宗喜曰嘉祥薦至皆

天意也嗣與睿親王多爾袞取江華島敗朝鮮水師克其  
島城三年六月從揚武大將軍岳託由牆子嶺入  
明境岳託薨於軍遂代將與多爾袞會畧山東諸  
地十六戰皆捷四年四月凱旋

賜馬二駝一銀五千兩八月

命掌禮部事九月與阿濟格畧明寧錦地五年六月築城  
屯田義州嗣聞明經畧洪承疇率四總兵營於杏

山城外杜度偕諸貝勒掩殺至其城壕乃還仍伏  
兵於寧遠路截明運道獲其米千石復偵知敵騎  
保松山馳迫之三戰三捷敵兵遁走六年八月

太宗還

盛京獨留杜度圍錦州七年六月薨於軍

賜祭葬雍正二年立碑墓道旌其功

貝勒博洛阿巴秦第三子也天聰九年五月大軍  
由山西伐明博洛奉

命從貝勒多鐸率兵駐寧遠錦州界以為聲援且畧地有功崇德元年封固山貝子二年四月

命議政三年十月

太宗親率大軍由義州伐明

命從多鐸率護軍出寧遠錦州之間將過中後所猝遇明總兵祖大壽兵襲我師後護軍統領喀寧阿等且戰且退博洛麾兵擊却之五年五月隨濟爾哈朗等迎蒙古多羅特降人於五里臺擊敗錦州松山

杏山兵師還

賜良馬一六年八月

太宗親征洪承疇於錦州明總兵八員來犯我前鋒軍從  
阿濟格逐之至塔山盡獲其筆架山積粟我

太宗既敗承疇兵明八總兵潛師遁博洛截擊之復同多  
鐸設伏以待明總兵吳三桂王樸率衆奔高橋伏  
起前後夾擊敗之三桂樸僅以身免七年九月同  
貝子尼堪等駐防錦州順治元年四月隨多爾袞

入山海關破流賊十月晉封多羅貝勒十一月從  
多鐸南征二年正月破流賊於潼關四月定河南  
並有功

賜弓一六月多鐸已定南京令博洛等引兵擊明潞王朱  
常澆於杭州東渡錢塘江潞王窮蹙降浙東西郡  
縣皆下十月叙功

賜金二百兩銀五千兩鞍馬一時明福王朱由崧已滅而  
唐王朱聿劍復僭號於閩魯王朱以海稱監國於



紹興自浙以南尚未歸化三年二月

世祖命為征南大將軍往平浙閩五月師抵杭州敦營於

錢塘江東岸綿亘二百里我軍無舟楫不得渡忽

江沙瀑漲水淺可涉遂策馬徑渡敦大驚偽國公

方國安盡棄戰艦奔還紹興携魯王走臺州尋入

海八月克金華衢州擒斬明蜀王朱盛灃等全浙

平分兵由衢州廣信二道趨福建遣圖賴等擊敗

偽閩部黃鳴駿兵於仙霞關遂破浦城攻克建寧

延平時明唐王朱聿釗遁走汀州襲拔其城斬之  
撫定興化漳泉等府克福州前後破敵二十餘陣  
降偽總兵以下官一百三十餘員馬步兵六萬有  
奇福建平四年二月進師廣東克潮惠等州時聿  
釗弟聿鎮復僭號廣州遣署兩廣總督佟養甲等  
率師進勦聿鎮廣州平四月班師晉封多羅郡  
王

賜號端重五年大同總兵姜瓖叛代州被困與碩塞往援

解代州圍六年三月敗大同援兵及姜瓖兵擊斬  
殆盡特晉和碩親王四月賊陷汾州

命為定西大將軍統兵討之五月克復清源交城等五城  
六月賊圍平陽遣副都統譚布擊敗之賊渡黃河  
遁七月賊圍絳州遣副都統羅碩等往勦斬二千  
餘級遂進攻孝義拔其城又敗賊於壽陽平遙遼  
州榆社等處九月同滿達海協攻汾州克之斬偽  
巡撫姜建勲等盡復所陷州縣全晉底定八年三

月

命掌戶部事九年三月薨諡曰定十六年十月濟爾哈朗  
等追議博洛嘗謫事多爾袞追降多羅貝勒奪諡  
及碑

貝勒杜爾祜杜度第一子也初封輔國公崇德六  
年八月

太宗圍松山大敗明兵

命諸將士截殺明兵之宵遁者杜爾祜在事有功七年從

大軍圍錦州六月襲封鎮國公順治元年十一月  
隨豫親王多鐸南征有功

賜金五十兩餘二千兩六月六年隨鄭親王濟爾哈朗平  
定廣西七年四月凱旋

賜銀六百兩八年二月晉封多羅貝勒  
命議政十二年二月卒諡愨厚

貝勒喀爾楚渾岳託第三子也順治元年四月隨  
睿親王多爾袞定燕京敗流寇李自成于山海關

又追敗其兵于慶都二年二月封鎮國公三年正月隨肅親王豪格西征五月同貝子滿達海率兵進勦流賊于陝西降偽叅將石國璽等偽官五十人賊首高如礪遁守三台山進師圍之豪格用降將周德昌為內應破平之遂從征四川俱有功六年正月同敬謹親王尼堪討大同叛鎮姜瓖至太原府賊兵由寧武關迎戰敗之進圍寧武賊乘夜犯我鑲黃鑲紅兩旗營擊走之取右衛城連戰

皆捷是年十月晉封多羅貝勒尋攝理藩院事九年八月卒諡顯榮康熙二十七年

聖祖立碑旌之

貝子裕達海穆爾哈齊第四子也崇德元年八月隨睿親王多爾袞伐明攻沙河南和及臨洛關魏縣並有功三年八月隨岳託伐明敗明兵於開平獲馬五十餘匹同和洛輝等連敗沙河三河兵又敗明兵於渾河岸至趙州復敗之進攻山東克臨

清安邱臨淄還軍密雲俘二千餘人四年八月論  
功封三等輔國將軍順治元年四月隨多爾袞定  
燕京尋追流賊至延安城中兵乘夜出拒奮擊破  
之十月隨豫親王多鐸南征我兵破賊第二營於  
潼關賊遁務達海率兵躡其後斬偽總兵一員二  
年二月叙定燕京功晉二等輔國將軍三年五月  
隨多鐸北征蘇尼特部騰吉思克之并敗土謝圖  
汗及碩雷汗援兵四年六月晉一等輔國將軍九



月復晉三等鎮國將軍五年三月率兵駐防漢中  
六年四月同巴布泰率師往大同代阿濟格討叛  
鎮姜瓖七年五月

命議政八年三月晉固山貝子十一年十二月隨鄭親王  
子濟度討福建海寇鄭成功中途疾甚

命還京卒諡襄敏

貝子滿達海

嗣襲代善親王  
爵改號曰巽

代善第七子也天聰

二年從大兵圍明錦州邀明杏山軍餉於海上盡

取以還崇德五年九月復從圍錦州擊敗杏山援  
兵又以礮擊破松山騎隊六年五月封輔國公八  
月從肅親王豪格駐防松山以本旗兵擊敗敵衆  
明經畧洪承疇統兵來援從大軍破其三隊承疇  
兵復來犯力拒之人馬俱被創豪格往援於陣曰  
爾馬傷矣此有黃馬宜速易之比易馬而敵衆大  
至鼓勇復擊之敵後而還明總兵吳三桂依山結  
營自固領兵往毀其營十一月從多鐸畧寧遠七

年從濟爾哈朗伐明俱有功八年八月掌都察院  
事順治元年四月從多爾袞入山海關擊破流賊  
二年勦遂流賊於陝西扼黃河渡克沿邊三城及  
延安府又追賊至湖廣屢敗之十月晉封固山貝  
子三年正月從靖遠大將軍豪格征四川破流寇  
張獻忠先令搜勦漢中賊圍高如礪等於三台山  
降之川寇悉平六年七月授征西大將軍與兄謙  
郡王瓦克達征大同叛鎮姜瓖八月克朔州馬邑

降寧武偽總兵劉偉偽道趙夢龍等九月克汾州  
府斬偽巡撫姜建勲偽布政使劉秉業十月復平  
遙太谷兩縣時潞安賊分兵拒沁州又圍遼州遣  
貝勒拜音圖統領索渾馳赴沁州賊聞風遁遂拔  
之趨潞安府偽道胡國鼎來戰擊斬其衆又遣鎮  
國公漢岱統領希爾根赴遼州擊賊大破之屯留  
襄垣榆社武鄉皆降是月

召還京尋掌吏部事九年二月薨

賜祭葬如禮諡曰簡立碑紀功十六年十月追諡娯多爾  
袞奪諡及碑

貝子博和託阿巴泰第二子也初封輔國公崇德  
元年十二月隨多鐸征朝鮮圍其都城朝鮮王棄  
國遁守南漢山城進圍之時有瓦爾喀在朝鮮者  
凡二百戶皆來降朝鮮巡撫副將各率兵援南漢  
山城博和託同尼堪等破走之旋守諸要隘迎擊  
朝鮮兵五百人幾盡又有援兵將入南漢山城

中兵亦出應同勞薩武拜等分擊均大敗之自是  
朝鮮王聲援俱絕

太宗統大將軍親征朝鮮遂降三年九月多爾袞伐明自  
董家口東入畧燕京西六府達山西界四年三月  
師還

賜銀二千兩六年三月圍錦州同多爾袞駐杏山七年七  
月代父阿巴泰戍錦州八年六月隨父阿巴泰伐  
明分路踏邊會師於延慶州九月畧保定至安州

師還

賜銀三千兩十月與輔國公芬古更番駐防錦州順治元年四月隨睿親王多爾袞入山海關破流賊有功十月晉封固山貝子五年九月卒諡溫良

貝子穆爾祜杜度第二子也天聰九年五月大軍由山西入明邊

命隨多鐸率偏師駐寧遠錦州之間以制明兵之援山西者仍畧地獲馬二百匹攻克一臺封輔國公順治

元年十一月隨多鐸西征破流賊李自成於潼關  
身先陷陣拔兩營我前鋒兵從近山設伏有賊自  
山後來襲穆爾祜又連敗其衆賊遁走二年二月  
封三等鎮國將軍三年正月晉一等鎮國將軍五  
月隨多鐸北征騰吉思敗之并擊破土謝圖汗及  
碩雷汗援兵復封輔國公六年正月大同總兵姜  
瓖叛奉

命同敬謹親王尼堪等率兵討之敗賊於寧武關并破左



衛兵十月封固山貝子卒

貝子特爾祜杜度第三子也崇德四年八月封輔國公六年隨大兵圍明錦州連戰於松山杏山間有功順治元年四月隨多爾袞入山海關破流賊追至慶都又敗之十一月隨多鐸南征敗流賊于潼關封輔國公十月歷叙隨征功

賜金五十兩銀二千兩六年十月封固山貝子十五年二月卒諡恪僖

鎮國公阿拜

太祖高皇帝第三子也天命十年與弟塔拜巴布泰統兵  
征瑚爾哈部俘其衆以還

太祖迎勞而宴之授備禦陞三等副將崇德三年五月任  
吏部承政尋封鎮國將軍復率兵往錦州南乳峯  
山駐防順治四年晉二等鎮國將軍五年卒追封  
鎮國公諡勤敏塔拜以征瑚爾哈功授遊擊世職  
累封三等輔國將軍卒順治間追封輔國公諡愨

厚

鎮國公巴布泰

太祖高皇帝第九子也天命十年十月同兄阿拜塔拜征  
東海北路瑚爾哈部有功十一年八月初設十六  
大臣

命理正黃旗事天聰四年五月罷職八年四月授三等副  
將順治元年四月從多爾袞定燕京同都統譚泰  
用步戰擊敗流寇追至慶都復連敗之二年二月

晉一等奉國將軍三年征湖廣叛寇有功四年九月晉三等輔國將軍尋封輔國公六年四月同務達海率兵征大同叛鎮姜瓖八年三月晉封鎮國公十二年正月卒諡恪僖

鎮國公屯齊

顯祖宣皇帝曾孫贈貝勒圖倫第二子也崇德元年五月隨阿濟格率師伐明有功四年五月隨濟爾哈朗畧明錦州松杏等處九戰九勝時屯齊被創功最

於賞格外加

賜銀百兩八月封輔國公六年三月隨濟爾哈朗攻明塔  
山十月隨多爾袞圍明錦州順治元年十月封固  
山貝子隨多鐸破流寇平陝西定河南並有功二  
年四月

賜圓補紗衣一襲五月從多鐸下江寧明福王朱由崧遁  
走太平與尼堪等率兵追之至蕪湖就擒十月凱  
旋

賜金百兩銀五千兩鞍馬一三年正月隨豪格西征五月  
同尼堪破流賊賀珍解漢中圍時二隻虎孫守法  
陷興安進師至漢陰賊遁去遂復興安五年四月  
命為平西大將軍同漢岱率兵討陝西叛回平之九月擢  
鑲藍旗事十二月同瓦克達往就阿濟格軍駐防  
大同六年十月晉封多羅貝勒九年七月隨定遠  
大將軍尼堪征明桂王朱由榔於湖南十一月尼  
堪戰沒遂代為定遠大將軍督師進勦十年六月

進攻偽安西王李定國於永州至則定國已度龍  
虎關遁去遂進師寶慶至周家坡遇偽將軍馮雙  
禮白文選馬進忠等率衆四萬據山扼險以抗我  
師會日暮天雨列陣相拒是夜偽秦王孫可望自  
寶慶以兵來合衆號十萬屯齊分兵縱擊大破之  
師還追論尼堪戰沒坐罪削爵十二年八月叙功  
復授鎮國公品級旋封鎮國公康熙二年六月卒  
輔國公芬古

顯祖宣皇帝孫舒爾哈齊第八子也天聰五年八月隨

太宗伐明抵大凌河令諸將士分門而軍芬古率本旗兵  
圍南城之西浚壕築塹斷明兵出入採汲俱絕時

太宗聞阿濟格敗明兵於松山將

幸其營甫行大凌河城內兵突出來犯芬古等率師夾擊

大敗之九月令軍士偽為援兵自錦州至者以誘  
城內兵距城十里礮聲不絕廝卒執旗幟向錦州  
馳騁城內總兵祖大壽望見之以為果援兵也統



衆出至西南隅攻軍臺芬古等率兵迎擊大壽敗  
入城閉門不敢出七年六月

詔問諸貝勒大臣用兵宜何先芬古奏言我軍蓄銳已久  
其勢可用宜即進明邊毀其城堡戮力進取何憂  
事之無成八年五月大軍征察哈爾芬古領前隊  
六月率師進明邊獨石口七月攻克長安嶺殺其  
城守備入保安州謂

太宗於應州城九年五月大軍伐明別營於寧遠錦州之

間制明援兵以多鐸為帥芬古從崇德元年五月  
伐明入長城是年冬從征朝鮮俱有功封固山貝  
子四年五月坐取外藩蒙古銀罪削爵八月復封  
輔國公六年八月大軍圍松山明兵夜遁芬古率  
所部追擊大破之七年十月隨阿巴泰伐明至黃  
崖口芬古與譚泰等兩路夾攻邊口遂克其城八  
年十月駐防錦州十二月卒子尚善襲封輔國公  
尚善從征河南江南雲貴湖廣屢著戰功晉封多

羅貝勒順治十年五月贈如其爵諡請定

輔國公瑪瞻代善第六子也天聰元年大兵畧明

山西邊郡

命隨多鐸率兵入寧遠錦州界牽制明兵使不得援山西  
崇德元年封輔國公隨阿濟格等伐明克十二城  
而還三年隨岳託伐明由北京至山東所向皆捷  
尋卒於軍

欽定盛京通志卷六十七

欽定四庫全書

欽定盛京通志卷六十八

國朝人物

四

鑲黃旗滿洲



欽定四庫全書

欽定盛京通志卷六十八

國朝人物

四

鑲黃旗滿洲

費英東姓瓜爾佳隸鑲黃旗滿洲先世為蘇完部  
長

太祖初從其父索爾和率所部來歸授一等大臣尚主其  
姊婿巴沁顏有逆志費英東擒而誅之臣從征瓦

爾喀部取噶家路殺其部長阿球又偕貝勒褚英  
取楚安拉庫路破屯寨二十有奇悉降其村落歲  
丁未費優苦烏拉侵暴請內附乃與貝勒舒爾哈  
齊等往視其戶口勒軍為前後隊衛之歸烏拉兵  
萬人扼我前軍於路相持未下費英東以後軍至  
大敗之是年五月歲辛亥七月兩討東海窩集部  
攻克其五路歲癸丑從征烏拉拔其城尋

命與何和里額亦都扈爾漢安費揚古為五大臣佐理國



事天命三年大軍伐明取撫順明總兵官張承廕以萬騎來援據陰而陣甫交鋒火器競發費英東所乘馬忽驚逸諸軍為之却費英東策馬大呼麾諸軍直入大破之

太祖拊髀歎曰此真萬人敵也四年二月明經畧楊錫統四路兵來犯以總兵杜松馬林李如柏劉綎吉林崖松先至駐軍薩爾澹山巔而自引兵趨吉林崖費英東率所部破其山巔軍死者相枕籍松亦戰歿

吉林崖已而林緹兩路兵皆覆如柏自呼蘭遁歸  
是役也殲明精銳殆盡八月從攻葉赫城守者飛  
石投火

太祖命之退對曰勢垂克不可退也竟拔其城費英東驍  
果善射從征三十餘年身先士卒摧堅陷陣當其  
鋒者莫不披靡性忠直遇事敢言獎善黜惡無所  
撓避殫智畢力以佐成大業論功授三等子世襲  
五年卒年五十七

太祖聞之哀慟親臨其喪天聰元年追封直義公配享

太廟順治十六年追錄佐命功第一晉三等公世襲康熙

三十七年

聖祖東巡親酌其墓

御製碑文以表厥勲雍正九年加封號曰信勇乾隆八年

十九年四十年四十八年

上詣

盛京俱親酌其墓有

御製賜奠詩

恭載  
章門

天復

諭閣臣以費英東為開國功臣之冠世襲公爵祇三等

未足昭酬庸茂典

特晉封一等公

額亦都姓鈕姑祿隸鑲黃旗滿洲先世居長白山  
幼時父母為仇所害隣人匿之得免年十三手刃  
其仇避走嘉穆瑚村依於其姑居數歲

太祖過其地額亦都識為真主辭姑從行歲癸未從討尼

堪外蘭於圖論城先登又襲取塞克濟城又別將  
兵攻取舒爾格布占城額亦都性忠誠勇敢善戰  
能以少擊衆所向克捷歲丁亥督兵攻巴勒達城  
至渾河河漲不能涉以繩聯軍士魚貫而渡夜率  
銳卒登其城城守者猝驚起殊死以拒額亦都跨  
堞戰飛矢貫股著于堞揮刀斷矢戰益力被五十  
餘創不退卒拔之還

太祖勞于郊

賜號已圖魯薩古齊入寇率數人擊走之遂潛躡其後乘  
夜奪門入克其城進攻尼瑪蘭城章嘉城索爾瑚  
村皆下之功最貝渾巴顏謀叛附哈達往討之誅  
其父子五人以狗歲癸未葉赫合九國兵來犯大  
軍陣古呼山額亦都以百騎挑戰擊斬其九人敵  
却大軍乘之九國兵皆潰訥殷者九國之一也其  
渠藪穩色克什既敗歸復聚七寨之衆據佛多和  
山額亦都以兵千人攻克之斬藪穩色克什歲丁

未貝勒巴雅喇征東海窩集部額亦都偕費英東  
以從攻克赫濟赫鄂謨輝蘇魯佛納托克索三路  
歲庚戌以兵徇那木都魯綏芬寧古塔尼瑪察四  
路撫定之降其長康果禮等十九人師旋遂取雅  
蘭路俘獲以萬計歲辛亥偕額駙何和里征瑚爾  
哈路克扎庫塔城天命四年禦明兵于界藩先後  
戰吉林崖薩爾湖山尚間厓阿布達哩岡皆大捷  
明總兵杜松王宣趙夢麟劉綎歿於陣馬林僅以

身免額亦都自從征尼堪外蘭以來以次平哈達  
輝發烏拉葉赫並為軍鋒用兵垂四十餘年未嘗  
挫衄每克敵受

賜輒分結有功士卒不以自私

太祖眷其忠勇初妻以宗女後以和碩公主降焉積官一  
等內大臣爵一等子六年卒年六十

太祖臨其喪哭之慟祭葬如禮天聰元年追封弘毅公配  
享



太廟順治中建碑墓道以旌其功康熙七年

特爵其子過必隆為一等公三十七年

聖祖東巡親酌其墓乾隆八年十九年四十三年四十八

年

上諸

盛京俱親酌其墓有

御製賜奠詩

恭載  
章門

天

雅希禪隸鑲黃旗滿洲先世居瑪佳以地為氏父

尼瑪禪以五十餘戶歸我

太祖任佐顧雅希禪自其父時以戰功授騎都尉世職與  
理事十大臣之列天命四年如喀爾喀盟還奏  
稱

旨界藩之戰超伍先進復擊明總兵馬林于尚間崖破其  
中堅晉二等輕車都尉

太祖既取遼陽叙功晉三等男七年戰沙嶺被創引卻降  
一等輕車都尉八年從征扎魯特破其寨追斬其

貝勒昂安得具孥以歸功最得

上賞未幾卒年五十有一順治十二年追謚敏果子三長

恭袞次納爾特次拉都渾俱見忠節傳

衛齊信勇公費英東第九弟也天命十年偕侍衛  
博爾晉以兵二千征瑚爾哈部收獲五百戶有功  
並追其父索爾和首先歸附功授騎都尉世職天  
聰三年從征明畧地至遵化屢戰輒捷論功晉三  
等輕車都尉

太宗統大軍出征嘗令衛齊留守

盛京任八門提督九年卒以第六子穆里瑪襲職順

治中

世祖以衛齊歷事

兩朝忠誠素著

賜諡端勤視一等大臣例立碑墓道

武善姓伊爾根覺羅隸銀黃旗滿洲先世居呼訥

赫父噶蓋來歸我

太祖為理事大臣武善其長子也初任佐領尋兼叅領天命九年明總兵毛文龍遣兵渡鴨綠江耕屯島上武善與副都統楞禮將千人往襲之中道獲諜者詢知明兵夜宿朝鮮義州西岸比旦乃渡江入島遂乘夜潛行伏山隩平明度明兵已渡疾馳至島明將士悉驚潰追斬及墮水死者無算焚其積聚而還既而文龍部將復入島肆焚掠武善偕護軍叅領滿都禮擊之盡奪其所掠斬遊擊一脩禦一

千總二

太宗即位進列十六大臣天聰八年畧錦州有功授三等輕車都尉世職崇德元年戶部承政馬福塔使朝鮮偵知明遊兵潛入鹹塲以告

太宗命武善偕吏部叅政濟什哈率兵擊走之三年扎薩克圖將犯歸化城武善與副都統武巴海從大軍往勦比至扎薩克圖遁去師遂還會武巴海廝卒盜輝事覺武善坐徇隱論罷併革世職八年起工

部叅政順治元年卒弟卜善隨兄在戎行亦以軍功著

車爾格弘毅公額亦都第三子也自幼從軍屢有功授騎都尉世職晉三第輕車都尉征東海瓦爾喀部大捷凱旋

太祖親出郊宴勞之又

念其父勲晉爵三等子

太宗即位設八大臣理政事車爾格與焉天聰元年從大

貝勒阿敏征朝鮮其王李倭惛服納貢二年從貝勒阿巴泰畧錦州松山多所得獲五年授刑部承政尋遷兵部七年偕刑部承政索海偵敵錦州斬七人擒十人以歸明廣鹿島副將尚可喜遣吏納款率將士往受其降崇德二年從武英郡王阿濟格攻皮島以違節制論罷并削世職三年起授工部叅政五年推戶部承政八年復授騎都尉世職

世祖定鼎燕京



恩詔加一雲騎尉順治二年卒子法固達襲職

圖爾格弘毅公額亦都第八子也自少從征積功授一等輕車都尉世職

太宗即位任都統列十六大臣又以父勲晉爵三等子天聰三年從攻遵化克其城四年與都統納穆泰留守灤州明兵備叅政張春合總兵馬世襲合祖大壽尤世祿吳世勉楊麟王承恩諸鎮兵來攻發巨礮燬城樓圖爾格等悉力禦之度不支潰圍走永

平偕貝勒阿敏東歸坐罷官并削世職五年五月  
從圍錦州以兵扼松山截其外援尋授吏部承政  
八月從圍大凌河城軍於城東北城中兵突犯我  
礮臺圖爾格不及騎徒步擊走之十月畧地錦州  
有功九年從貝勒多爾袞征察哈爾降林丹汗子  
額哲遂勒兵三隊畧山西自平魯衛入毀寧武關  
攻代州乘勝至忻口遇伏敗之追至崞縣殲其衆  
還經平魯衛大同諸鎮兵邀戰大破之叙功授一

等男崇德元年復任都統從武英郡王阿濟格征  
明攻克昌平州雄縣並先登五年復圍錦州取其  
禾連破松山杏山兵偕都統葉克舒以兵三百伏  
烏磬河口擊明兵千餘方接戰葉克舒馬躓圖爾  
格援之出復突入奮擊凡六合圍悉摧陷之身被  
二十三創猶殿後力戰衛所俘而還晉爵三等子  
授內大臣六年戰松山明兵敗奔塔山邀擊之斬  
馘甚衆明總兵曹變蛟以乳峯山兵夜襲兩黃旗

汎突犯

御營時諸將猝未集軍中大驚圖爾格奮呼發矢連殪二人諸將亦至變蛟乃遁七年從貝勒阿巴泰征明自蘇州南抵山東凡三十九捷下九十四城俘明魯王朱以海及樂陵陽信安邱滋陽諸王以歸八年錄功晉三等公圖爾忠勇有父風才畧過人戮力行間勲伐最著順治二年卒年五十以其次子科晉索襲九年追謚忠義配享

太廟立碑墓道雍正九年加封號曰果毅長子烏爾格崇

德初戰沒于皮島別贈佐顧世職

伊爾登弘毅公額亦都第十子也幼侍宮中

太祖撫之長以侍衛屢從征討天命初築界藩及薩爾滸城有勞績

賜蟒服累功晉三等男

太宗即位列十六大臣天聰三年率兵勦獐子島有俘獲從貝勒阿巴泰分兵攻龍井關奪水門入斬明將

易愛王遵臣復會大軍攻遵化明山海關總兵趙  
率教馳援覆其軍遂薄燕京克永平灤州遷安諸  
城師旋晉爵一等男擢都統五年攻大凌河城率  
所部圍其東南深溝堅壘以困之卒墮其城而還  
七年從貝勒岳託取旅順口俘獲無算八年從貝  
阿巴泰分兵入龍門會大軍於宣府進攻靈邱保  
安皆有功崇德元年與都統篇古等相詆訐坐罷  
官并削男爵三年起護軍統領四年畧地錦州以

三十人敗明兵千人從攻松山杏山城以四十人  
挑戰大破明總兵祖大壽軍尋列議政大臣兼內  
大臣六年從鄭親王濟爾哈朗攻錦州明總督洪  
承疇統兵十三萬來援軍松山西北岡悉衆犯鑲  
藍旗汎圍之數重伊爾登躍馬突入圍縱橫馳擊  
身中數創不少卻所乘馬死易之三戰益力明兵  
凡四合圍悉破之

太宗嘉其勇復爵以三等男子襲八次尋設伏高橋殲明

兵之敗奔塔山者時

太宗親統軍駐松山明將曹變蛟集潰卒乘夜犯  
御營伊爾登與內大臣錫翰等奮擊之變蛟遁得  
恩賚順治元年累加二等伯世襲罔替十三年以老致仕  
世祖念其為宣力老臣

命乘騎入朝並圖其像二一貯內庫一藏于其家康熙二  
年卒

賜祭葬如典禮謚曰忠直從孫噶杜襲爵三十七年



遣官祭具墓

伊勒慎姓費摩隸鑲黃旗滿洲先世居薩齊庫烏  
拉陷薩齊庫伊勒慎自拔來歸其族遂為烏拉所  
害

太祖憐之授世職為騎都尉尋從征明戰沙嶺屢以功加  
二等輕車都尉天聰五年統兵鎮海州時明邊將  
窺伺瀋陽屢縱士卒入遼河採捕誘我降人伊勒  
慎既之鎮嚴偵緝設巡哨先後斬明遊兵及所獲

舟艦器械無算七年從征旅順口多所斬馘叙功  
加一等輕車都尉崇德元年晉三等男會明將造  
巨艦百餘橫截遼河將犯海州伊勒慎沿河列寨  
設伏執其謀者明將知防禦嚴望風引遁乃不敢  
復犯四年偕刑部承政索海征瓦爾喀部陣擒噶  
凌河暨其黨二百餘人既而得囚有逸者及烏拉  
與博穆博果爾以衆邀于路索海大破之伊勒慎  
不合擊博穆博果爾得遁去坐奪官并削其爵八

年復起鎮海州順治元年移駐牛莊二年卒年六十有九

古爾布什姓博爾濟吉特蒙古喀爾喀台吉也天命六年率所屬來歸授爵三等子隸滿洲鑲黃旗任佐領尚公主為額駙

賜號青卓里克圖天聰中圍大凌河城崇德初征朝鮮及攻皮島古爾布什並在軍中三年任兵部叅政六年從圍錦州擊敗寧遠援兵明年再圍錦州明兵

犯我濠塹戰卻之順治元年從入關擊敗流賊李自成屢晉爵至一等子予世襲十八年卒

賜祭葬諡敏襄子色楞襲長子鄂齊爾順治初從大軍南征亦著有軍功

覺羅色埒隸鑲黃旗滿洲武功郡王禮埽之孫也初任佐領列十六大臣尋進列八大臣任都統天聰五年圍大凌河城率所部攻城南八年從征明進兵獨石口戰長安嶺攻赤城並有功九月緣事

降都副統崇德元年征朝鮮國王李倬遁入南漢  
山城而寄其妻子于江華島明年色埒以石翼兵  
渡海政島朝鮮人列艦截海道飛矢雨集色埒駕  
輕舸冒矢越其前躍登岸破守島兵獲倬妻子倬  
知妻子被俘遂降凱旋論功授騎都尉世職三年  
兼任吏部叅政順治元年擢內大臣四年屢晉爵  
至二等子八年擢領侍衛內大臣十四年卒

賜祭葬謚勤愍子額爾德崇德中以佐領從圍錦州擊敗

明兵于渾河岸復敗之三河順治元年從入關追擊李自成於望都欽功授騎都尉世職尋授叅領兼戶部理事官遷侍郎晉世職至二等輕車都尉坐司權郎官虧帑誤援

恩詔議免論罷并降世職為騎都尉已而復起為副都統襲其父二等子爵康熙十年卒子拉瑚塔襲

鄂齊爾桑姓博爾濟吉特父巴克為扎嚕特部長太宗即位征扎嚕特以巴克父子來歸隸滿洲鑲黃旗授

鄂齊爾桑為佐領尋從征棟奎有斬獲天聰三年  
從戰蘇州大捷五年從圍大凌河城擊敗錦州援  
兵積功授三等輕車都尉八年從攻大同與額駙  
多爾濟將中軍明總兵曹文詔拒戰大破之文詔  
素驍勇為明名將及敗明人益氣懾崇德中擢內  
大臣順治二年晉爵三等男五年卒子楚祿襲

索海信勇公費英東第六子也天聰中官刑部承  
政崇德四年與工部承政薩穆什喀分道征索論

部索海督右翼兵襲破卦拉爾屯俘斬三百有奇  
薩穆什喀督左翼兵攻下雅克薩城旋攻鐸陳城  
未下而還烏拉與博穆博果爾謀襲我左翼兵後  
索海偵知之設伏截其輜重生擒四百人乘勝馳  
擊博穆博果爾營大破之是役也自烏蘇哩屯以  
西額爾圖屯以東先後俘獲七千有奇牛羊駝馬  
無算凱旋

太宗親勞于郊叙功授二等輕車都尉世職從圍錦州以



兵四百過松山援兵遇遊兵三百于小凌河邀擊之  
斬九十餘級又從攻松山城克之尋以干禁陳優  
戲奪職順治二年署副都統從征西川卒于軍子  
多頗羅別見忠節傳

武賴信勇公費英東從子也天聰四年畧地大凌  
河俘獲甚衆八年任佐領九年擢都統崇德元年  
從武英郡王阿濟格等征明抵遵化明兵自三屯  
營來拒盡殲之朝鮮之役從豫親王多鐸擊敗其

援兵復以雲梯攻城守陴者懾竄盡收其輜重壯  
畜以歸三年從貝勒岳託征明至山東連下郡縣  
尋復破明太監馮永盛總兵侯拱極軍還師過董  
家口明兵沿山列營扼我歸路邀劫我輜重連戰  
敗之乘勝畧地克取其城二叙功授騎都尉世職  
五年從睿親王多爾袞屯義州道出錦州刈其田  
禾明將以兵爭拒追擊至城濠遂進兵松山敗其  
步卒七年從貝勒阿巴泰征明戰渾河敗其兵千

餘明年旋軍至螺山明總督趙光汴合八鎮兵邀戰列火器而陣武賴與都統鰲拜奮勇突入斬其大將八鎮兵盡潰將出邊邊將以兵犯鑲藍旗擊卻之整軍以出順治元年從入關破流賊李自成屢加世職至二等輕車都尉七年進爵二等男以老致仕尋卒年六十有四

賜諡康毅勒石紀功子回德襲爵

教德弘毅公額亦都第十一子也幼隨

太祖効力戎行天命十年管佐領事

太宗時授叅領旋遷戶部叅政崇德元年從征朝鮮敗朝

鮮兵於套山村五年從征明圍錦州敗松山兵順

治元年從入關擊敗流賊以功授佐領世職七年

三遇

恩詔加世職二等輕車都尉其第十五弟曰索渾以從征

察哈爾松山錦州等處軍功亦授佐領世職官議

政大臣

過必隆弘毅公額亦都第十六子也天聰中官侍衛崇德六年從圍松山城明總兵曹變蛟屢突圍欲出連擊敗之夜半變蛟集敗兵突犯

御營過必隆與大臣錫翰等力戰射殪十餘人變蛟負創遁論功得

恩賞七年從征明克薊州進兵山東攻夏津先登論功予騎都尉世職順治二年從征李自成兄子錦於武昌拔鐵關論功晉二等輕車都尉五年兄子科晉

索訐其與白旗諸王有隙設兵護門事奪世職八

年

世祖既親政遏必隆訟削職寃

詔復之明年科普索獲罪以其所襲圖爾格之二等公令

遏必隆併襲為一等公尋任議政大臣擢領侍衛

內大臣游加少傅兼太子太保十八年受

遣詔與索尼蘇克薩哈鰲拜為輔政大臣康熙六年

聖祖親政加恩輔臣

特賜爵一等公而以前所襲公爵授其長子法喀明年加  
太師又明年屢乞罷輔政許之先是輔政時索尼  
老病鰲拜專政與蘇克薩哈不相能遏必隆頗依  
違其間及鰲拜欲以正白旗莊田改隸鑲黃旗而  
別籍民田給正白旗

詔遣大學士蘇納海會總兵朱昌祚巡撫王登聯往勘皆  
稱不便忤鰲拜意遂矯

旨殺蘇納海會昌祚登聯復誣蘇克薩哈怨望蓄異志必

真諸法且族之過必隆皆不能爭八年鰲拜獲罪  
過必隆以黨惡論死

聖祖念其黨鰲拜無跡宥之祇除其公爵削所加太師銜  
九年

聖祖以其為顧命大臣且勲臣子前愆止因循瞻顧可貴  
命復其公爵宿衛內廷十二年卒

賜祭葬謚恪僖

瑚沙姓鈕祜祿鑲黃旗滿洲父納爾察事



太祖為副都統戰歿于沙嶺別見忠節傳瑚沙其次子也  
初任佐領天聰六年與前鋒叅領圖什偵敵大同  
過明兵四百彎弓馳射之皆被之靡遁去畧地至  
寧縣多所俘獲崇德三年從貝勒岳託征明以八  
騎先驅遇明兵三百突出搏戰擊卻之遂越燕京  
趨山東破明將黃集太監高起潛軍逐北數十里  
擢前鋒叅領六年從圍錦州轉戰松山杏山屢有  
功八年貝勒阿巴泰旋軍界嶺口偕前鋒統領帑

山往迎之縱擊明兵之躡我後者所俘獲無算順  
治元年從征李自成敗賊將唐通于一片石追擊  
自成至於望都破之尋偕都統葉臣征山西破賊  
將白輝于汾州二年從英親王阿濟格征陝西攻  
克綏德延安二城追勦自成至湖廣敗賊將邵章  
于陸安獲其船窮追至九江口九宮山搜捕賊黨  
斬級二千有奇三年從肅親王豪格勦張獻忠過  
漢中擊敗叛將賀珍兵獻忠自西充迎戰殲其衆

於鳳凰坡獻忠殫焉六年從鄭親王濟爾哈朗征  
明桂王朱由榔時由榔據廣西其大學士何騰蛟  
等分踞湖南諸郡縣我兵既克長沙遂渡江圍騰  
蛟於湘潭騰蛟遣兵分三門出戰瑚沙破其西門  
兵城拔生擒騰蛟于是衡州寶慶永州辰州皆以  
次平先後叙功復遇

恩詔晉爵至二等男九年進副都統十一年兼工部侍郎  
明年擢都統列議政大臣十五年從信郡王多尼

征由榔於雲南十六年進兵永昌下其城由榔奔  
緬甸十七年凱旋以永昌初下不戢軍士降三等  
男康熙三年卒

賜祭葬分世職為三以第五子瑚弼圖襲一等輕車都尉  
次子碩伯海襲騎都尉

辰泰弘毅公額亦都之孫戶部承政車爾格長子  
也初以護軍叅領從攻錦州遇寧遠援兵趨伍直  
入斬其執纛者寧纛以麾於陣明兵遂亂大敗之

天總三年從圍燕京軍德勝門外分兵薄明督師  
袁崇煥營有斬獲五年從攻大凌河城明監軍政  
張春率衆來援設伏擒其偵卒復與大軍共擊之  
殲其衆崇德元年從征朝鮮與副都統薩穆什喀  
乘夜襲破黃州守將營三年從睿親王多爾袞征  
明敗明兵于豐潤尋攻明太監馮永盛總兵侯拱  
極營皆拔之又以護軍三十敗明總兵祖大壽軍  
俘其步騎百有奇五年六年從圍錦州並有功屢

加世職至三等輕車都尉七年從圍松山城明兵  
夜出城犯蒙古正黃旗汎戰卻之從貝勒阿巴泰  
征明敗其將馬科于渾河築梁以濟明總督范志  
完以兵來犯擊走之長驅至山東攻克東阿汶上  
寧陽三城晉二等輕車都尉順治元年從入闕破  
走流賊李自成明年晉一等輕車都尉四年授禮  
部侍郎從征湖廣敗流賊一隻虎于荊州尋奉

命為靖南將軍偕副都統棟阿賴征福建連獲賊渠曹大

錫張耀星克同安平和五年大破賊渠鄭彩彩遁  
入海復長樂連江擒偽總兵顧世臣等十二人于  
興化斬之以次克復郡縣全閩底定六年授護軍  
叅領七年論平閩功晉二等男擢刑部尚書八年  
二月遷吏部三月授國史院大學士七月坐誤增  
恩詔赦條論罷降世職為一等輕車都尉九年起禮部尚  
書充會試主考官尋授都統晉二等子十年授寧  
南靖寇大將軍督兵征湖廣是時流賊張獻忠餘

黨劉文秀降于明桂王朱由榔受偽封為南安王  
十二年文秀遣其黨盧明臣馮雙禮以衆六萬樓  
船一千有奇分犯岳州武昌而自引精銳萬餘列  
艦攻常德辰泰設伏隘口斷其歸路令叅領呼尼  
雅羅和以兵嘗賊別遣叅領蘇拜希福麾舟師並  
進三戰三捷賊既卻復前轉戰至隘口伏盡發縱  
火焚其艦賊大敗又分兵破賊德山下遂北至龍  
陽賊收敗卒二千返聞我兵奮擊賊潰走明臣赴



水死雙禮被創遁文秀竄貴州降偽將四十餘人  
兵三千有奇叙功晉一等子兼一雲騎尉未幾以  
疾卒于軍明年凱旋

世祖諭從征諸臣曰大將軍辰泰南征蕩寇卒于戎行朕  
甚傷悼因揮涕命酒以勞諸臣復

諭學士麻勒吉等曰若大將軍振旋還京朕當親酌酒勞  
之不意中道棄捐不復相見爾等其持此一觴奠  
大將軍靈次以抒朕懷諸臣及左右侍從無不感

涕

賜祭葬如典禮諡忠襄以其子尼滿襲爵

哈什屯姓富察隸鑲黃旗滿洲先世居沙濟祖旺  
吉努率族屬來歸

太祖授佐領哈什屯其長孫也天聰時官侍衛擢任禮部  
叅政崇德二年與佐領喀愷等分道征瓦爾喀俘  
獲甚衆三年招降明總兵沈志祥于石城島六年  
大軍圍松山城明總兵曹變蛟乘夜犯

御營哈什屯先衆捍禦脫中創力戰不少卻順治元年擢  
內大臣累加世職至一等輕車都尉兼一雲騎尉  
尋列議政大臣會睿親王多爾袞有疾哈什屯偕  
貝子錫翰等往視睿親王曰予有疾

上宜臨視又曰爾曹毋以予言上聞既

駕臨視之睿親王罪大臣等違令擅奏降哈什屯世職為  
騎都尉八年

世祖親政鑒哈什屯無罪復其所降職兩遇

恩詔晉爵一等男初睿親王輔政大臣鞏阿岱和落輝楞  
僧吉等多諂附之哈什屯獨持正不阿肅親王豪  
格為睿親王所構卒于獄鞏阿岱和落輝欲殺其  
幼子富綬哈什屯與內大臣巴哈力爭之議乃寢  
及睿親王卒楞僧吉盛稱王功績於

上前並及兩黃旗大臣謀立肅親王事

詔下法司鞠訊盡得其阿諛誣陷狀尋與鞏阿岱以朋比  
伏誅而和落輝亦以黨附睿親王為大臣蘇克薩

哈所劾磔死于是肅親王之事乃白遂封富綬為  
顯親王其始終執詞不撓以證此獄者哈什屯及  
巴哈二人也十二年以奉職恪勤加太子太保明  
年以年老致仕康熙二年卒年六十有六

賜祭葬謚恪僖子米思翰襲爵乾隆元年入祀賢良祠十  
三年

冊謚

孝賢皇后

推恩先世追封哈什屯一等公十四年曾孫大學士忠  
勇公傅恒經畧四川成功凱旋

賜建宗祠春秋致祭以獎忠勲祀自哈什屯始

阿喇善姓博爾濟吉特先世居扎魯特

太宗時隨其祖喀喇巴拜來歸隸鑲黃旗尋授護軍參領  
崇德二年列議政大臣八年擢副都統從攻寧遠  
克前屯衛中後所二城順治元年兼任刑部侍郎  
從入關擊走李自成二年從英親王阿濟格西勦

自成敗賊綏德州攻克延安賊南竄湖廣進躡  
之七戰皆捷三年從肅親王豪格勦張獻忠道出  
陝西擊敗叛將賀珍於漢中時爲副將武大定踞  
秦州三寨山阿喇善以兵六百由僻徑陟山巔出  
賊不意奪其壘斬級無算進擊獻忠於西克大敗  
其衆獻忠滅分兵克遵義勦餘賊平之六年從英  
親王討大同叛將姜瓖攻復渾源州及大同左衛  
二城七年擢刑部尚書兼都統尋追論克左衛時

不以登城將士名啟王罷尚書任八年奉

命勦山東土賊破賊巢于沂州之蒼山斬賊首劉遜張齊  
及其黨百餘搜捕旁近山寨斬賊王家臣王家武  
張榮魏在斯等三百餘級俘獲甚衆累論功晉爵  
至一等男兼一雲騎尉九年兼佐左都御史尋以  
忝贊大臣從敬謹親王尼堪征湖南擊賊衡州至  
歿於陣坐失援罪革世職十二年卒

賜祭葬如例



巴山姓瓜爾佳隸鑲黃旗滿洲天聰中以佐領戰  
大凌河復從征察哈爾崇德元年以叅領從征朝  
鮮並有功三年從入墻子嶺薄燕京起山東擊敗  
明太監馮永盛兵還攻鉅鹿先登克其城五年偕  
承政索海征瑚爾哈部攻克卦拉爾屯順治元年  
從入關敗流賊李自成進工部侍郎二年以副都  
統鎮守江寧三年擢總管時江北諸賊依山為寇  
欲犯江寧結城中奸人為內應巴山詢得之捕斬

其黨三十人未幾偽樂安王朱誼石糾衆二萬餘  
分三路來犯敗之再破之攝山斬其渠賊大潰竄  
去四年明故叅政候峒曾子元瀚遣其黨謝堯文  
賁明魯王朱以海偽勅招我大學士洪承疇為邏  
卒所獲巴山以

聞於朝

世祖察其反間慰諭承疇而以巴山能折亂萌甚

嘉獎之六年會總督馬國柱勦賊六安陣斬其渠張福襄

江北諸賊俱以次平九年還京屢以叙功復兩遇  
恩詔晉爵至二等男康熙十二年卒

賜祭葬如例以具子舒恕襲

達素姓章佳隸鑲黃旗滿洲天聰五年以護軍校  
從圍大凌河城明兵備參政張春率兵四萬由小  
凌河來援達素與同官鰲拜擊卻之長山積官護  
軍叅領崇德中從圍錦州者再從征寧遠討瑚爾  
哈部攻克博和哩城招降能吉勒屯及大噶勒達

蘇屯並有功順治元年從入關擊敗李自成尋偕  
都統巴哈納平定山西二年從英親王阿濟格勦  
自成于湖廣攻克安陸武昌三年擊走叛將賀珍  
于漢中珍張獻忠于四川六年從征大同叛將姜  
瓖敗賊右衛已而賊大至達素奮前搏擊飛矢及  
其喉兩手足悉被創遂墮馬軍校欲負以退達素  
叱曰死則死耳何避為復裹創麾衆力戰賊敗卻  
屢論功晉一等輕車都尉九年獻忠餘黨孫可望

李定國等寇湖南廣西達素從敬謹親王尼堪征之敗賊衡州全州斬馘四千餘復興安灌陽二城是年十一月敬謹親王歿于陣將佐俱獲罪達素以功免議十一年擢護軍統領十三年擢內大臣十六年海賊鄭成功陷鎮江犯江寧

世祖命達素為安南將軍偕都統索歡護軍統領賚塔等往勦比至賊已敗遁入海達素請進勦成功于廈門乃統所部兵由浙江赴福建十八年

聖祖仁皇帝即位

詔令撤師還京康熙八年鰲拜獲罪遠素夙與鰲拜善坐  
黜罷尋復世職八年卒以其子達禱襲

阿哈尼堪姓富察隸鑲黃旗滿洲初任佐領畧寧  
遠敗明兵千人崇德二年從征朝鮮取江華島五  
年偕承政薩穆什喀索海征瑚爾哈部攻克雅克  
薩城還軍敗烏拉及博穆博果爾兵六千並有功  
任禮部叅政授騎都尉世職六年從鄭親王濟爾

哈朗圍錦州屢戰松山皆捷順治元年從入關擊  
敗流賊李自成偕都統阿山由蒲州濟河協勦二  
年以兵會豫親王多鐸下江南攻克揚州常熟二  
城三年復從豫親王追擊騰吉思于額克特山俘  
獲無算積功晉世職至一等輕車都尉四年擢兵  
部尚書六年從鄭親王征湖廣偕都統劉之源分  
兵趨寶慶擊敗賊王進才馬進忠遂克其城乘勝  
擊賊馬有志于南山坡破其九營又擊賊袁宗第

于洪江破其十營大軍入沅州留阿哈尼堪駐守  
賊王強來犯遣將破之沅水斬七百餘級馘其渠  
三人七年師旋遷禮部尚書疊遇

恩詔晉爵至一等男八年卒子噶爾哈圖襲

布克沙姓瓜爾佳隸鑲黃旗滿洲天聰時以護軍  
校軍防牛莊崇德二年從征皮島先登得

優賚旋授護軍叅領五年從圍錦州戰杏山松山皆有功  
予雲騎尉世職六年復圍錦州明總督洪承疇自



松山來援戰卻之復破其三營步卒七年從貝勒  
阿巴泰證明擊敗明總兵馬科於渾河岸其別將  
以三千餘人拒守渡口又擊敗之遂趨山東畧萊  
州攻克蒙陰沂州二城八年五月凱旋

賁銀幣晉世職為騎都尉順治二年從英親王阿濟格征  
流賊李自成於陝西取道邊塞進兵榆林屢敗賊  
於綏德延安自成走湖廣復擊之安陸武昌逐賊  
至九江口會奉

詔班師過池州明總兵黃蜚以舟師拒戰擊走之三年騰  
吉思叛將喀爾喀從豫親王多鐸追之搜捕布爾  
噶圖山斬二千有餘級擊敗土謝圖汗碩雷汗援  
兵八年擢副都統兼戶部侍郎九年以疾罷先後  
叙功並三遇

恩詔游晉一等輕車都尉十四年卒長子哈楚罕襲

卓布泰衛齊次子也崇德四年以佐領從征瑚爾  
喀部斬級五千旋師擊博穆博果爾於道俘六十

有奇叙功授騎都尉尋進叅領從錦州者再屢敗  
明兵於松山杏山七年從征明至青州戰輒捷明  
年旋師過螺山擊破明八鎮兵斬其大將張登科  
和應薦順治初征黑龍江攻克圖呼爾禪城西勦  
李自成克西安追擊自成於湖廣殲其衆移師下  
江南浙江平定松江杭州諸郡卓布泰皆在軍有  
功從征明唐王朱聿鍵於福建聿鍵走汀州卓布  
泰以偏師趨福州克其城復從征明桂王朱由榔

於湖南戰湘潭馘其將陶養用敗其軍於衡州道  
州靖州屢論功晉二等男子世襲歷官至內大臣  
兼都統是時由柳竄雲南其將李定國白文選李  
成爵等分踞黔西廷議由廣西湖南四川三道會  
討而以卓布泰為征南將軍進兵廣西自都勻薄  
盤江明兵悉沉船退守山隘乃潛取所沈船於下  
流十里中夜濟師大破成爵於梁瑞津進攻雙河  
口定國列三十營結象陣拒戰卓布泰分兵三隊

張左右翼掩擊之再戰皆捷追斬四十餘里間道  
由普安抵羅平州會楚蜀兩路兵攻克雲南由柳  
奔永昌時順治十六年春正月也二月趨鎮南州  
破文選於玉龍關渡瀾滄江取永昌由柳奔騰越  
我兵窮追過潞江定國謀以卒六千伏磨盤山會  
明中書盧佳生來降以定國謀告乃分兵八隊發  
火器擊其伏驚竄墮崖死者無算定國敗走銅壁  
關遂乘勝趨騰越州由柳奔緬甸卓布泰追逐至

孟村而還明年凱旋

命內大臣迎勞之尋以勘將士功罪不寔黜爵康熙三年復之八年以弟鰲拜獲罪又坐黜

聖祖念其征雲南功仍予二等男世襲十七年卒

賜祭葬謚武襄子增壽襲

巴哈衛齊第四子也崇德中以一等侍衛與議政二十四大臣之列順治元年從入山海關授騎都尉世職時睿親王多爾袞攝政都統譚泰許內大

臣索尼詆誹睿親王并撫其細故法司鞠訊辭連  
巴哈議當黜

詔貫之從肅親王豪格征陝西四川晉一等輕車都尉八  
年

世祖親政

命為議政大臣晉爵至一等男初肅親王為睿親王所構  
卒於獄尚書鞏阿岱議殺其子富綬巴哈與內大  
臣哈什屯持不可乃止鞏阿岱及其弟錫翰侍衛

楞增吉遂歿巴哈子睿親王後輩阿岱等以朋比  
伏誅而巴哈恪職受

恩眷屢加少傅兼太子太傅授領侍衛內大臣康熙六年  
以其子訥爾都尚公主封和碩額駙八年其兄鰲  
拜獲罪同父兄弟並論斬

聖祖念巴哈宣力年久貸之尋卒

喀喀穆姓陞哈勒察隸鑲黃旗滿洲崇德中任吏  
部理事官從征瑚爾哈部擊斬二百人生擒索倫



兵一百三十以歸順治元年從入關敘功授一雲  
騎尉世職累官吏部侍郎晉世職為輕車都尉尋  
奉

命征王光泰於鄖陽光泰兄光恩初從張獻忠為盜後歸  
明鎮鄖陽大軍定湖廣光恩迎降俾領鎮如故至  
是以罪逮繫光泰遂據鄖陽叛自稱明鎮武伯結  
叛將賀珍武大定等為援提督孫定遠戰歿大軍  
進討光泰遁喀喀穆追擊之房縣斬級千餘光泰

竄四川會叛將金聲桓自江西窺湖廣喀喀穆乃  
留駐荊州北還京兼任副都統晉爵三等男九年  
討鄂爾多斯部之多爾濟自寧夏出水驛口繞賀  
蘭山後覆其巢斬多爾濟俘獲以萬計是年五月  
授鎮守江寧總管十年

命為靖南將軍勦叛將郝尚久于潮州復其城尚久投井  
死徇旁近州縣悉平還駐江寧十六年海賊鄭成  
功陷鎮江瓜洲犯江寧賊衆號十萬戈船蔽江蟻

屯八十三營薄于城下喀喀穆與總督郎廷佐提督管  
効忠登陴固守檄蘓松鎮總兵梁化鳳馳援化鳳既至陣  
於儀鳳門効忠出鍾阜門夾擊陣擒其渠賊氣奪喀喀  
穆開神策門率精銳擣其中堅賊大潰成功收潰衆遁  
入江我水師復截擊之焚其船五百餘尋賊溺死者  
甚衆追議鎮江瓜州失陷罪

世祖念其功置不問康熙元年改江寧將軍七年卒子拉揚阿襲  
巴賽武賴兄子也初任佐領崇德五年從征明改杏山

駐烏磬河明總兵祖大壽以精兵六百來犯巴賽奮擊之六月進圍錦州復敗其杏山兵七年圍錦州克其外郭明松山兵夜遁先趨塔山南海岸邀戰乘夜擊之天明明兵據立山上復擊敗之溺水死者無算我軍圍松山掘壕困之明松山步兵來犯我汎地偕叅政吉思哈迎戰連敗之順治二年授佐領世職七年九年兩遇

恩詔累加世職三等輕車都尉弟喀薩順治初入關復隨追流賊于武昌偕叅領達素擊敗賊將劉浩于江口取其船並獲

其戰馬三年從征四川攻三寨山于山腰迎擊賊將郅國  
士等奪其門據之復連敗賊渠張獻忠之衆十一年從征  
廣東敗李定國之兵于山峪十三年叙功授世職騎都尉  
蒙伊圖隸鑲黃旗滿洲崇德三年從征明敗明兵于河西  
務進攻山東濰縣射守陴者殪之克其城從圍錦州進敗  
明錦州杏山松山援軍六年復圍錦州擊明松山兵敗之  
七年從破明經畧洪承疇三營步兵順治元年入關隨擊  
流賊追至慶都二年叙功加佐領世職嗣累加世職至等輕車都尉

綽克託姓博爾濟吉特隸鑲黃旗滿洲世居錫拉初事  
太宗授二等侍衛崇德六年隨征錦州以軍功擢一等侍衛  
順治元年從入關任內大臣理藩院侍郎議政大臣  
高赫德姓烏扎拉隸鑲黃旗滿洲世居薩哈爾崇德  
八年從征明山東攻武定奮勇先登克其城

賜號巴圖魯授佐領世職順治元年入關擊流寇以步戰敗  
賊論功加三等叅領四年卒弟壯吉達襲其族弟曰  
什弼倫崇德八年從征明至山東攻蒙陰先登加優叙

噶爾哈圖阿哈尼堪長子也初任叅領崇德二年從征朝鮮有功從征明攻克深州五年圍錦州擊敗明杏山塔山兵又明松山兵夜遁追至南海岸大破其衆七年圍松山敵夜犯我營擊却之八年從征明敗敵于通州又敗明渾河駐守兵連破其營至山東攻蒙陰沂水皆先登順治時加三等輕車都尉世職

素爾東阿姓富察隸鑲黃旗滿洲初居額音訥殷七村人叛附葉赫素爾東阿征之被創復其衆回據佛多和城

太祖癸巳年素爾東阿以兵克其城盡殲其衆得優賚戊申  
從征烏拉癸丑從征葉赫皆有功賚銀布又從征扎  
庫塔身被九創從攻撫順首先陷陣叙功授三等叅領  
查齊巴姓舒穆魯隸鑲黃旗滿洲

國初來歸屢從征伐以勇著

太祖戊申年從征烏拉天命六年從征明克遼陽瀋陽叙功授  
遊擊世職年七十致仕

衮布姓博爾濟吉特隸鑲黃旗滿洲天聰元年從征



寧遠有功又從征扎魯特部有俘獲授三等叅領

達賴古爾布什弟也同兄來歸授備禦世職崇德五年從征明攻錦州擊寧遠木城兵以步戰衝入其陣克之論功加三等叅領世職

翁阿岱姓富察隸鑲黃旗滿洲從征遼陽寧遠皆有功天聰三年從征明敗明兵于灤州五年從征大寧河中後所皆有功崇德六年從圍錦州累戰皆捷明松山兵來犯復擊敗之叙功授備和托諾姓烏勒固宸初從征阿庫哩尼滿有功天聰八

年從征明至大同攻沙城克之叙功授佐領世職

當愷姓納喇隸鑲黃旗滿洲天聰三年從征明至燕京  
擊明袁崇煥軍勝之崇德六年從征明錦州進攻松山  
皆力戰被重創賚白鏹六年遇敵於阿爾沙蘭及歸化  
城皆力戰有功得優叙瑪爾和納姓那木都魯隸鑲黃  
旗滿洲天聰五年從征大凌河擊明監軍道張春前營  
破之時我軍後營為明兵所阻不能進瑪爾和納執毒  
首先衝入大軍繼進遂敗明兵八年叙功授佐領世職

什勤姓達佳隸鑲黃旗滿洲初任佐領天聰八年  
從征大同擊明哨騎敗之出邊時又以步戰敗明  
兵崇德六年從圍錦州擊敗明經畧洪承疇軍克  
其關廟順治元年從入關破流賊有功累加三等  
輕車都尉世職

古訥禪姓伊爾根覺羅隸鑲黃旗滿洲天聰九年  
從征明大同攻石城先登

賜號巴圖魯授佐領世職順治元年從入關以步戰擊敗

流賊二年從定河南江南浙江在行間有功三年  
叙功加三等叅領子顧八代康熙時為名臣

囊古齊姓翁伊哩隸鑲黃旗滿洲崇德二年從征  
瓦爾喀有功三年從征明至山東攻武定州以第  
三人登論功得優叙

拜和賴隸鑲黃旗滿洲崇德三年從征明數戰皆捷  
駐主董家口與明兵相拒七晝夜敵不敢犯四年  
論功得優叙

桑賚隸鑲黃旗滿洲初任佐領崇德三年從征明  
入邊擊敗明八總兵之衆又屢戰有功順治元年  
入關追賊至陝西之延安殲其衆于城壕二年敗  
賊于九江獲其戰艦叙功累加世職至二等輕車  
都尉康熙三年隨征湖廣十五年從征貴州皆在  
事有功加一等輕車都尉

法特哈姓富察隸鑲黃旗滿洲初任佐領崇德三  
年從征明敗明兵於豐潤七年隨圍錦州擊松山

馬兵先進克敵復敗明兵於寧遠順治元年從入  
關明年追流賊至江南池州大捷獲其戰艦加世  
職至三等輕車都尉

拉古隸鑲黃旗滿洲崇德五年隨圍松山有戰功  
順治元年入關追流賊至慶都大敗之授佐領世  
職

巴爾度禪隸鑲黃旗滿洲初從征即有功崇德五  
年從征明圍錦州以步戰擊敵柵步兵營克之八

年從征明至山東攻兗州以第一人先登

賜號巴圖魯論功授一等叅領世職

扈壽姓托和羅隸鑲黃旗滿洲崇德八年從征明  
入邊攻長沙首先登

賜號巴圖魯授佐領世職順治元年入關擊流賊有功從  
攻山西太原斬其偽帥克其城叙功加一等雲騎  
尉

阿爾錫哩姓岳諾托隸鑲黃旗滿洲崇德八年從

證明至山東攻汶上以第二人登後歷叙功績授三等輕車都尉是年同旗有喀喀齊攻克東阿阿爾泰薩壁圖攻克沂水星克禮攻克平鄉蒙和岱攻克博平叙功皆優叙

球蘭隸鑲黃旗滿洲崇德八年從證明山東進攻兗州以第七人登又攻克寧陽順治元年從定河南敗敗潼關第一營從定江南攻揚州以第三人登駐防滄州平土賊馬長五等從勦山西叛鎮姜



璦攻渾源中礮傷手累加世職至二等輕車都尉  
莽什隸鑲黃旗滿洲初任佐領崇德八年從征明  
山東攻東河以第三人登是年又從征薩哈連烏  
拉有俘獲順治元年從征流賊敗賊于陝西綏德  
三年從勦四川流賊張獻忠等有功授雲騎尉世  
職

和木索科隸鑲黃旗滿洲初任工部理事官崇德  
時從征松阿哩烏拉及征明山東皆有俘獲功從

圍錦州攻松山奮勇却敵順治元年追賊之延安  
駐師南山谷賊乘夜來犯擊卻之並破其第一營  
又敗之九公山從勦江西叛鎮金聲桓王得仁累  
戰皆捷加一等輕車都尉世職兼一雲騎尉



欽定盛京通志卷六十八